

ՍՈՎԻՏԱԿԱՆ ՀԱՅԱՍՏԱՆԻ ԲՆԱԿԱՎԱՅՐԵՐԻ ԱՆՈՒՆՆԵՐԸ

Խ. Հ. ԱՎԴԱԼԲԵԳՅԱՆ

Սովետական իշխանության հաստատման երկրորդ տարում՝ 1922 թ. անցկացվեց Սովետական Հայաստանի բնակչության ընդհանուր վիճակագրություն, որն ընդգրկեց 1016 բնակավայր, այդ թվում 4 քաղաք՝ Երևան, Ալեքսանդրապոլ (Լենինական), Մեծ Ղարաքիլիսա (Կիրովական) և Դիլիջան։ Սրանցից վերջին երկուսը մինչ այդ դասվում էին գյուղական բնակավայրերի շարքը։

Սովետական Հայաստանի բնակավայրերն ու բնակչությունը 1922 թ., ըստ ազգային հատկանիշի, հետևյալ պատկերն ունեին.

Ազգաբնակչությունը	Բնակավայրերի թիվը	%	Բնակչությունը	%
Հայեր	633	62,3	672114	86,0
Ադրբեջանցիներ	164	16,1	76932	9,8
Քրդեր	24	2,3	8528	1,1
Ռուսներ	11	1,1	19503	2,5
Հույներ	2	0,2	2565	0,3
Ասորիներ	1	0,1	2104	0,3
Խառը	181	17,9	այլը 306	—
Ընդամենը	1016	100,0	732052 ¹	100,0

Բերված թվերը ցույց են տալիս, որ Սովետական Հայաստանում 1922 թ. հայերը կազմում էին հանրապետության ընդհանուր բնակչության 86%-ը, մինչդեռ զուտ հայաբնակ շենքերը կազմում էին բոլոր բնակավայրերի 62,3%-ը։

Արձանագրենք, որ ուսուսկան բնակավայրերն ունեին ուսական անվանումներ։ Բացառություն են կազմում Դիլիջանի մոտ հիմնված Новый Дик-лижан-ը, Լոռվա Հայ Հեռհեռ (Գյառ-Գյառ) գյուղի կողքին հիմնված Русские Гергеры-ն և Ռուսական Ախտան։ Ռուսական մեկ բնակավայր կրում էր ադրբեջանական անուն (Բազարչայ գյուղը՝ Սիսիանում)։

Արևելյան Հայաստանում հիմնված ուսական գաղթավայրերը մեծ մասամբ կրում էին ցարերի ու փոխարքաների անունները (Ալեքսանդրովկա, Նիկոլակա, Պետրովկա և այլն)։ Կռվկասի առաջին փոխարքայի՝ Մխիթարի Սեմյոնովիչ Վորոնցովի անունով, հայրանաբնով և ազգանունով էին կնքվել Միխայլովկա, Սեմյոնովկա ու Վորոնցովկա գյուղերը։

Քրդական, հունական և ասորական բնակավայրերից ոչ մեկը, Արևելյան Հայաստանում, չի կրել տվյալ ազգություն լեզվով տրված անուն։

Ադրբեջանական բնակավայրերն Արևելյան Հայաստանում հիմնականում կրել են ու կրում են մայրենի լեզվով անուններ։

Արևելյան Հայաստանի մի քանի շրջաններում, սակայն, ադրբեջանական

¹ Հայաստանի ազգաբնակչությունը, Երևան, 1924։

² Զ. Կոբկոտյան, Խորհրդային Հայաստանի բնակչությունը վերջին հարյուրամյակում (1831—1931), Երևան, 1932։

բնակավայրերը անփոփոխ կամ աղավաղված ձևով պահպանել են հայկական հին անունները: Ահա դրանց ոչ լրիվ ցուցակը՝ ներկայումս գործող շրջանների նշումով.

Շրջանները	Ադրբեջանական գյուղեր՝ հայկական անուններով	Բնակչությունը 1914 թ. (ադրբեջանցիներ) ³
Ազիզբեկովի և Նդեգնաձորի	Ամաղու	350
	Առինջ	264
	Գոմուր	365
	Ջիրակ	394
	Կալասեր	154
	Մարաթուզ	248
Աշտարակի	Ազարակ	720
	Ավան	301
	Նազրվան	613
	Ուշի	1359
	Քարաշամբ	417
Բասարդեշարի	Ջոդ (Սոթ)	1988
	Սատանախաչ	358
Բալինի	Ազարակ	284
	Աշնակ	477
	Բալին ներքին	376
Գուդարքի	Արջուտ	759
Աբովյանի	Ազարակ	211
	Ողջաբերդ	298
Ղափանի	Գոմարան	158
	Տանձավեր	253
Մեղրու	Թեղուտ	293
	Վարդանաձոր	653
	Թաղամիր	255
Նոր Բայազետի	Այրիվանք	739
Սիսիանի	Դաստակերտ	400
Արարատի	Արմիկ	159
	Նրանոս	188
	Խոսրով	315
	Հանդ	297

Առաջին համաշխարհային պատերազմի նախօրյակին (1914 թ.) Սովետական Հայաստանի ընդգրկած սահմաններում հայկական բնակավայրերի թիվը հասնում էր 531-ի, որից միայն 220-ը կամ 41% ունեին հայկական, իսկ 311-ը կամ 59% կրում էին թուրքական, պարսկական և այլ անուններ:

Սովետական Հայաստանի 34 շրջանից 10-ը (առանց Աշտարակի ու Կոսայքի) ընկած են Փոքր Կովկասյան լեռների գլխավորապես անտառապատ վանգվածներում: Այս լեռնաշխարհում էին Լոռին, Իջևան-Շամշադինն ու Զանգեզուրը: Շահ-Աբբասը, որ 1604 թ. գրեթե ամայի դարձրեց ամբողջ Արարատյան դաշտը և հայերին գերեվարեց Պարսկաստանի խորքերը, չկարողացավ տեղահան անել լեռնային այս երկրամասերի հայերին, որոնք պատմական նույնիսկ ամենաձանր պայմաններում կարողացան պահպանել իրենց ազգային դեմքը նաև բնակավայրերի անունների գծով: Հենց այդ շրջաններին

³ Кавказский календарь на 1915.

է րաժին ընկնում զուտ հայաբնակ ու հայանուն 220 բնակավայրերից 156-ը կամ 70%-ը:

Մնացած շրջաններին բաժին է ընկնում հայանուն ընդամենը 64 բնակավայր կամ 30%-ը: Ռուսաստանին միացվելու պահին (1828 թ.) այս վերջին շրջաններից շատերը հայ բնակչությանից գրեթե զուրկ էին, մյուսներում էլ հայերը շնչին տոկոս էին կազմում:

Մեր կադմած մհալային և գյուղական ցուցակներից երևում է, որ 1928 թ. Գյուկչայի մհալում (Սևանի ամբողջ ավազանում) 2 հայկական գյուղ էր մնացել՝ երանոսը 13 ծուխ՝ 81 մարդ և Կոմաձորը 20 ծուխ՝ 142 բնակիչով: Ամբողջ Ասյարանում կանգուն մնացած հայկական միակ գյուղը Իմրլուն էր՝ 1 ծուխ՝ 9 բնակիչով: Վեդիբասարի մհալում միայն Վեդի գյուղում կար 2 ծուխ՝ 15 մարդ հայ բնակչություն, ամբողջ Գառնիբասարի մհալում՝ 4 գյուղ 78 ծուխ՝ 335 մարդ, Ախտայի շրջանի սահմաններում՝ 3 գյուղ 34 ծուխ՝ 145 մարդ բնակչությամբ:

Պարսկահայերի ու արևմտահայերի՝ 1829—1831 թթ. մեծ ներգաղթն զգալիորեն բարձրացրեց հայ բնակչության տեսակարար կշիռն ամբողջ Արևելյան Հայաստանի բնակչության կազմում: Ահա այդ փոփոխությունն արտահայտող տվյալները⁴:

Արևելյան Հայաստանի ազգաբնակչությունը Ռուսաստանին միացվելուց առաջ և միացվելուց հետո

Ժամանակաշրջանը	Բնակավայրերը	Հայեր
Ռուսաստանին միացվելուց առաջ՝ 1827 թ.	1058 %	80295 40,5
Ռուսաստանին միացվելուց հետո՝ 1831 թ.	1267 %	167068 61,5

Աղյուսակը ցույց է տալիս, որ արևմտահայերի ու պարսկահայերի մեծ ներգաղթի շնորհիվ Արևելյան Հայաստանում հայերի թիվը ավելի քան կրկնապատկվել է, հասնելով 167068 մարդու (61,5%)՝ նախկին 80295-ի (40,5%-ի դիմաց): Այդպիսով՝ հայերը բացարձակ մեծամասնություն են կազմել հայրենի երկրում:

Դրանով հանդերձ՝ Արևելյան Հայաստան ներգաղթած գյուղացիական դանգվածները չեն կարողացել վերականգնել բնակավայրերի հայկական հին անունները կամ մշակել հայրական նոր անուններ՝ հիմք ընդունելով բնակավայրերին բնորոշ հատկանիշները: Բացի այդ, խառը բնակչություն ունեցող բնակավայրերից շատերը կրում էին թուրք-պարսկական անուններ, բայց մենք հաշվել ենք հայ-աղբբեջանական խառը բնակչություն ունեցող 16 բնակավայր հայկական հին անուններով, որոնց թվում առանձնապես հիշատակելի են՝ Ղազար Փարպեցու ծննդավայր Փարպի գյուղն Աշտարակի շրջանում, Գրիգոր Մազիստրոսի ծննդավայր Բջին՝ Հրազդանի շրջանում, Ջրվեժը՝ Կոտայքում և այլն:

Խառը բնակչություն ունեին նաև Երևանը և Կոմայրին (Գյումրին):

⁴ Քաղել ենք 1829—1831 թթ. «Կամերալ ցուցակագրություններից», որոնք գտնվում են Հայկական ՍՍՀ և Վրացական ՍՍՀ պետական կենտրոնական արխիվներում:

Ցարական կառավարությունը Երևանը վերանվանել էր Эривань, իսկ Կոմայրին՝ Ալեքսանդրապոլ:

Սովետական իրավակարգի հաստատումը Հայաստանին բերեց խաղաղ կյանքի ու զարգացման լայն հնարավորություններ: Իրենց լքված գյուղերը վերադարձան երկրից վտարված կամ ակամա փախած աղքետյալներին: Հայրենի բնակավայրերը վերադարձան Վրաստանում ու Ռուսաստանում ապավինված բյուրավոր հայեր:

Ագրարային բարեփոխումը գյուղեր հատկացրեց, նոր շենքեր հիմնեց ու բնիկներին համահավասար հիմունքներով հողաբաժիններ շնորհեց արևմտահայ հազարավոր գաղթականների: Ամենուրեք աստիճանաբար, բայց հետևողականորեն, վերացվում էր հինը, կառուցվում կենսունակ նորը:

Ստեղծագործական աշխատանքի և բուռն շինարարության պայմաններում առաջին քայլերն են արվել նաև բնակավայրերի անունների փոփոխման ուղղությամբ:

Այս կարգով նոր անուն ստացած բնակավայրերի թիվը հասնում է 79-ի, որի մեջ պետք է հաշվել մի շարք վերականգնված հայկական հին անուններ: Ահա մի փոքրիկ ցանկ այդ փոփոխություններից⁵.

Բնակավայրերի անունները

Երջաններ	Նախկին	Նոր
Աղիգբեկովի	Քյոթանլու	Կարմրաշեն
Հրազդանի	Դարաշիշակ	Մաղկաձոր
Ապարանի	Բարաքիշի	Բուժական
Արտաշատի	Այասլու	Ալեքստան
Արտաշատի	Կարահամզալու	Բուրաստան
Բասարգեշարի	Հյուսիս-Կուլի	Նարմանլու
	Աղալու	
Էջմիածնի	Մուլա Դուրսուն	Շահումյան
Թալինի	Բաղիրխանա	Զիթհանքով
»	Բախաջուղ	Պարտիզակ
Իջևանի	Քարվանսարա	Իջևան
Կրասնոսելսկի	Միխայլովկա	Կրասնոսելսկ
Մարտունու	Կարանուղ Ն.	Մարտունի
Շամշադինի	Թովուղկալա	Բերդ
Ղափանի	Քրդիքենդ	Հեռնաձոր
Ստեփանավանի	Ջալալ-օղլի	Ստեփանավան
»	Ռուս Գյուլգյառ	Պուշկինո
Արթիկի	Քյավթաուլու	Փանիկ
Նոյեմբերյանի	Աղգիրարա	Ոսկեպար

Մեր նախաձեռնությունն արդյունքն են հողաշինարարական կարգով հիմնված մի շարք նոր գյուղերի անուններ, ինչպես օրինակ՝ Արտաշատի շրջանի Դիտակն ու Քաղցրաշենը, Բասարգեշարի՝ Նորակերտը՝ Էջմիածնի՝ Աղատանը ու Դաշուր, Հոկտեմբերյանի՝ Բերքաշատը, Նորապատն ու Ջրաշենը և այլն: Վերոհիշյալ տեղական նախաձեռնություններից բացի՝ Սովետական Հայաստանի բնակավայրերի անունների փոփոխությունները կատարվել են օրենսդրական կարգով՝ ՀՍՍՀ Կենտրոնականի ու Գերագույն սովետի նախագահության հետևյալ հրամանագրերով:

⁵ «Հայկական ՍՍԽ վարչատերիտորիալ բաժանումը», Երևան, 1948:

Համանագրերի ամսաթիվը

Հրամանա- դրերի տարեթիվը	հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Փոփոխության հասանելի թիվը
1924	27												1
1925	3												97
1938	4		26								4	27	10
1939		32	2		4					22			16
1940			2	11		1	24		28				32
1941							5						1
1945			12				30	20	4 և 7			7	46
1946			1	1 և 4	31		15	12	10		12		134
1947				26									17
1948—1959		3		10									93

Ընդամենը օրենսդրական կարգով առ 1959 թ. փոխված անուններ 447

Ինչպես երևում է աղյուսակից՝ Սովետական Հայաստանի բնակավայրերի անունների փոփոխման օրենսդրական առաջին ակտը Հայկենտգործկոմի նախագահության 1924 թ. հունվարի 27-ի հրամանագիրն է, որի մասին Ալեքսանդրապոլի գավառային գործկոմին ու գավառային կոմիտեին ուղարկված հեռագրում ասված է.

«Կենտգործկոմի և Ժողկոմխորհի նախագահության որոշումով Ալեքսանդրապոլ անունը փոխվում է Լենինականի»:

Հայտարարեցեք բանվորներին և աշխատավոր մասսաներին, որ իրենց հեղափոխական գործով նրանք պետք է քաղաքի հռչակը հավասարազուրկ պահեն Լենինի անվանը:

Հավերժ հիշատակ ընկեր Լենինին:

Կեցցեք ընդմիշտ Լենինականը:

ՀԿԳԿ նախագահի տեղակալ՝ Հ. ԱԶԱՏՅԱՆ

ՀԺԿԿ նախագահի տեղակալ՝ Ա. ՄՌԱՎՅԱՆ»⁶

Օրենսդրական երկրորդ ակտը Հայկենտգործկոմի նախագահության 1925 թ. հունվարի 3-ի հրամանագիրն է, որով փոխվել են 97 բնակավայրերի անուններ, այդ թվում՝ Մեծ Ղարաքիլիսան անվանվել է Կիրովական:

Այնուհետև մինչև 1959 թ. հրապարակված 31 հրամանագրերով փոխվել են 349 բնակավայրերի անուններ:

Օրենսդրական կարգով փոխված անունների թիվը հասնում է 447-ի, որ կազմում է Սովետական Հայաստանի բնակավայրերի 40%-ը:

Սովետական Հայաստանի բնակավայրերի փոփոխված անունների առթիվ նախ պետք է նկատել, որ ղգալի թվով բնակավայրեր ստացել են իրենց արտադրական, աշխարհագրական, պատմական և այլ տվյալներին համա-

⁶ «Խորհրդային Հայաստան», 30. 1. 1924:

պատասխանող շատ հաջող, հնչելու և կարճ անուններ, որ հրձվանքով են ընդունել ամենքը, մանավանդ տեղի բնակիչները:

Ահա նոր ու հաջող անուններ ստացած բնակավայրերի ոչ լրիվ մի ցանկ

Նոր անունը	Նախկին անունը	Երբեք
Ախուրիկ	Թուրքի Ղարաքիլիսա	Ախուրյան
Ակունք	Գյոզլու	Թալին
Այգեշատ	Հաջիղարա	Էջմիածին
Արմավիր	Ղուրդուղուլի	Հոկտեմբերյան
Արևշատ	Աղբաշ ներքին	Արտաշատ
Արշալույս	Քոռփալու	Էջմիածին
Բամբակաշատ	Մոլլա Բայազիտ	Հոկտեմբերյան
Բառոժ (քրդական)	Դուզքենդ	Թալին
Գանձակ	Ննգիչա	Սղեղնաձոր
Գլաձոր	Օրթաքենդ	Սղեղնաձոր
Գյոզալդարա (աղբ.)	Խանդուզազ	Կիրովական
Գյունեյ (աղբ.)	Սատանախաչ	Բասարզեշար
Դալար	Դալուլար	Արտաշատ
Դերես	Խաչիդյուղ	Գուդարք
Եղեղնուտ	Մոլլա Բադալ	Հոկտեմբերյան
Եղնիկ	Դադալու	Թալին
Ջառքենդ (աղբ.)	Ջարգիրիլ	Բասարզեշար
Ջովաշեն	Քեշիշվերան	Արարատ
Լանվիկ	Մուսուղլի	Անի
Լճաշեն	Օրդակու	Սևան
Լուսաձոր	Խավարաձոր	Իջևան
Խնձորուտ	Ալմալու	Աղիգրեկով
Սաղկահովիտ	Հաջի խալիլ	Ապարան
Կապուտան	Գյոքիլիսա	Կոտայք
Կարմրավան	Կզլքիլիսա հայ.	Ղուկասյան
Հաջիկ	Թոփառլի	Ախուրյան
Մանթաշ	Արխավի	Արթիկ
Մաբալիկ	Մոլլա Գյոզա	Անի
Մարմաշեն	Ղանիլչա վեր.	Ախուրյան
Մարմարիկ	Փաշաքենդ	Հրազդան
Մեծամոր	Ղամարլու	Էջմիածին
Մեղրաձոր	Թոյշարուխ	Հրազդան
Մրդաստան	Հաջիլար	Էջմիածին
Շատին	Հասանքենդ	Սղեղնաձոր
Շենիկ	Մաղարաշուղ	Թալին
Շուրաբադ (աղբ.)	Սուլթանարազ	Ամասիա
Ոսկեվազ	Կզլթամուր	Աշտարակ
Ոսկեքաս	Կուլդարվիշ	Թալին
Ուլվադ	Ալիու	Սիսիան
Սասունիկ	Կարաջալար	Աշտարակ
Սարալանջ	Բաշգյուղ	Արթիկ
Սևան	Ելենովկա	Սևան
Սորիկ (քրդ.)	Ջոռա	Թալին
Վաղաշեն?	Ավդալաղալու	Մարտունի
Վարդաշեն	Մեհրաբլու	Արաշատ
Պեմզաշեն	Մահմուդչուղ	Արթիկ
Քուլակ	Ալիքուլակ	Ապարան

7 Ընդգծված անուններն առաջագրվել են մեր կողմից:

Հիշատակված հաջող անունների թիվը կարելի է հասցնել մոտ 200-ի՝ Բնակավայրերի նոր անունների ղգալի մասը քննադատության չի դիմա- նում:

Ինչպիս հայտնի է, մեր լեզուն դարերի ընթացքում կերտել է բնակավայ- րերի անունների շատ հարուստ, անղուգական վերջավորություններ: Ահա դրանց ոչ լրիվ ցուցակը.

Վերջավորություններ

Օրինակներ

շատ	Աշտիշատ	Արտաշատ	Ջարիշատ
շեն	Լեռնաշեն	Մարմաշեն	Նորաշեն
ձոր	Գոմաձոր	Պաղկաձոր	Հալիձոր
ղեղ, գյուղ	Ափնագեղ	Կոթիգեղ	Ձորագյուղ
աուն	Աղավնատուն	Անդեղատուն	Երիցատուն
անց	հնդրանց	Ավարանց	Քաջարանց
թաղ	Գետաթաղ	Հայթաղ	Շենաթաղ
ական	Արդական	Բյուրական	Օշական
ապատ	Նորապատ	Սարդարապատ	Վաղարշապատ
ավան	Աղատավան	Արշակավան	Շիրակավան
արան	Բաղարան	Գողարան	Ապարան
րերդ	Անբերդ	Միծեռնակաբերդ	Ողջաբերդ
կերտ	Այալկերտ	Շանաղկերտ	Նորակերտ
ստան	Այդեստան	Բուրաստան	Մրդաստան
ին	Դվին	Թային	Կարին
ուն	Բոուն	Հասուն	Սասուն
ուտ	Լորուտ	Շամուտ	Տանձուտ
ակ	Աղարակ	Գանձակ	Սոլակ
իկ	Արթիկ	Գնիշիկ	Մարալիկ

Այս ցուցակն հիացմունք է առաջացնում անունների կերտվածքով ու վեր- ջավորությունների կայուն սխառմով:

Ճիշտ հակառակ պատկեր են ներկայացնում մի խումբ նոր անուններ, որ- ռոնցից, մեր կարծիքով, առանձնապես անընդունելի են ստորև հիշատակված- ները⁸

Բնակավայրերի նոր անունները

Նախնական սեռական հոլովով	Անհաջող վերջա- վորություններ	Լեզվական սխալներ	Անհաջող անուններ
Արայի	Աղատան	Բարձրունի	Այգաբաց
Առափի	Ակներ	Ջովունի	Ապագա
Գետափի	Գեղադիր	Հոփունի	Ավաղան
Ջրափի	Գետք	Մեղրուտ	Արեգ
Վահաղնի	Հայրենյաց	Վարդենիս	
		Վարդենուտ	

Սովետական Հայաստանի բնակավայրերի մեջ մենք ունենք «ի» վերջա- վորություններ մի քանի անուններ՝ Կարբի, Ուշի, Փարպի: Սակայն դրանք ուղ- դական հոլովով սկզբնական ձևեր են, ինչպես գինի, գարի, կենդանի բառե- լոր, որոնց նման և հոլովվում են:

Այդպես չեն առաջին սյուլեակում հիշատակված անունները, որոնց սկզբը-

⁸ Տե՛ս «ՀՍՍՌ վարչա-տնտեսական բաժանումը», Տեղեկագիր, Երևան, 1955, էջ 81—94:

էական ձևը տրված է նույն անունների արմատը կազմող բառերի սեռական հոլովով՝ Արայի, Գետափի, Վահագնի...:

Բնականավայրերի խիստ անհաջող անունների գեմ կբողոքեն դրանք կրող գյուղերի նույնիսկ դպրոցականները, քանի որ նրանք քերականության ոչ մի դասագրքի մեջ բացատրություն չեն գտնի նման թխովի գոյականների հոլովման մասին:

Երբորդ սյունակի անունների մասին պետք է նկատել հետևյալը.

ա) Հնում տոհմանուններից շատերին տրված էր «ունի» վերջավորությունը՝ Արշակունի, Պահլավունի, Վարաժնունի և այլն: Այժմ էլ կան նույն վերջավորություններով աղգանուններ՝ Արծրունի, Բագրատունի, Հայկունի և այլն:

Այստեղից ելնելով՝ սխալ պիտի համարել ունի վերջավորությունը բնականավայրերի անուններին շնորհելը՝ Բարձրունի, Զովունի, Հովունի, քանի որ նման ոչ մի օրինակ չկա և ոչ մի տեղ:

բ) Տեղանուններն ուս վերջավորություն են ունենում բուսատեսակների կապակցությամբ՝ Բարդուտ, Լորուտ, Տանձուտ, Եղեգնուտ և այլն:

Մեղըր բույս չէ, ուրեմն Մեղրուտ տեղանուն չի կարող լինել, այլ կլինի Մեղրաշեն, Մեղրածոր և այլն:

գ) Այս միևնույն բացատրության հիման վրա պետք է ասվի Վարդուտ, բայց ոչ Երբեք՝ Վարդենիս:

դ) Զորբորդ սյունակում բերված նոր անուններն ու դրանց նման շատերը ոչնչով չեն հիմնավորվում:

Այդ կարգի նոր անունները՝ Ագաբաց, Ապագա, Ավազան և այլն, ոչ մի կապ չունեն այդ անուններով կնքված վայրերի աշխարհագրության, արտագրության կամ պատմության հետ:

Արեւելյան Հայաստանի բնականավայրերի անունների խոշոր թեքություններից են կրկնությունները: Սովետական Հայաստանում 526 բնականավայրեր տեղական նախաձեռնությամբ և օրենսդրական կարգով նոր անուններ ստանալուց հետո՝ բնականավայրերի անունների կրկնությունները ոչ միայն չվերացան կամ չպակասեցին, այլ ավելի շատացան:

Սովետական Հայաստանում, ներկայումս երեք և ավելի անգամ կրկնվող անունների մասին հետևյալ տվյալներն ունենք⁹.

Կրկնվող աճուն- ների թիվը	Մեկ աճունը քանի անգամ է կրկնվում	Նույնաճուն-համաճուն բնականավայրերի թիվը
17	3 անգամ	51
1	4 »	4
8	5 »	40
4	6 »	24
1	7 »	7
2	8 »	16
1	9 »	9
4	10 »	40
2	11 »	22
1	12 »	12
1	13 »	13
1	14 »	14
1	23 »	23
Ընդամենը 44	—	275

⁹ «Հայկական ՍՍՀ վարչատեղիտնորիալ բաժանումը առ 1-ը մայիսի 1971 թ.». Երևան, 1971, էջ 228—240:

Աղյուսակը ցույց է տալիս, որ Սովետական Հայաստանի բնակավայրերից 275-ը չունեն իրենց առանձին անունները, այլ երեք և ավելի թվով բնակավայրերի հետ նույնանուն կամ համանուն են՝ կրելով զանազան ձևափոխություններով մատուցված 44 անուն...

Օրենսդրական կարգով ու գործնականում ոչ մի սահմանի մեջ չդրված աչդ կրկնությունների մասին ճիշտ պատկերացում տալու համար բերենք կրկնվող անունների շորս խումբ միայն¹⁰,

Բնակավայրերի գործող անունը	Նախկին անունը	Շրջանը
Ա. ԽՈՒՄՐ		
Նորարևր	Քյայալի	Անիի
Նորադավիթ	—	Շահումյանի
Նորադուղ	—	Կամոյի
Նորակերտ	Նոր	Բասարդեշարի
Նորակերտ	Նոր	Էջմիածնի
Նորադրուր	Մրնրի	Ղուկասյանի
Նորաշեն	—	Ապարանի
Նորաշեն	Սալու	Ապարանի
Նորաշեն	Դվին—Քյուրքենդ	Արտաշատի
Նորաշեն	Մեհրաբ	Արտաշատի
Նորաշեն	—	Արթիկի
Նորաշեն	Բողղանովկա	Կալինինոյի
Նորաշեն	Էֆենդի	Սևանի
Նորաշեն	—	Շամշադինի
Նորաշենիկ	—	Ղափանի
Նորապատ	Նոր	Հովտեմբերյանի
Նորավան	Նոր	Սիսիանի
Նոր Արեշ	Նոր	Շահումյանի
Նոր Արեւիք	Գուլ	Մեղրու
Նոր Արթիկ	Նոր	Բայինի
Նոր Արմավիր	Նոր	Հովտեմբերյանի
Նոր Բաշդուղ	Նոր	Կրասնոսելսկի
Նոր զուղ	Նոր	Կոտայքի
Նոր Կյանք	Մաթի	Արթիկի
Նոր Կյանք	Նոր	Արարատի
Նոր Կողբ	Խարաբա-Սարվանլար	Շահումյանի
Նոր Ջրաշեն	Նոր	Արտաշատի
Բ. ԽՈՒՄՐ		
Մադկահովիտ	Հաջի խալիլ	Ապարանի
Մադկաձոր	Դարաչիշակ	Հրազդանի
Մադկաշատ	Նոր	Թումանյանի
Մադկաշեն	Կարադաղու	Արտաշատի
Մադկաշեն	Բաքյաու	Ապարանի
Մադկաշեն	Քոռադրուր	Ղուկասյանի
Մադկաշեն	Քյարիմքենդ	Կամոյի
Մադկաշեն	Ավդիրեկ	Սպիտակի
Մադկասար	Խանվալի	Ախուրյանի
Մադկասար	Փիրթիքյան Վ.	Բալինի
Մադկավան	Մելիքդուղ	Իջևանի

Մաղկավան	Վելիգյուղ	Շամշադինի
Մաղկունք	—	Սևանի
Մաղկունք	Ալնալու վ.	Էջմիածնի
Գ. ԽՈՒՄԲ		
Սարագյուղ	Դարաքյոյ	Ղուկասյանի
Սարալանջ	Թուլնաբի	Աշտարակի
Սարալանջ	Հաջի Բադր	Ապարանի
Սարալանջ	Բաշգյուղ	Արթիկի
Սարալանջ	Գոյ-Յոխուշ	Սպիտակի
Սարակապ	Բոգդողան	Անիի
Սարահարթ	Գյուլլիջա	Սպիտակի
Սարամեջ	Զոթուր	Սպիտակի
Սարանիստ	Քութիա	Կոտայքի
Սարատակ	Իմրիան	Արթիկի
Սարապատ	Սամբուր	Ղուկասյանի
Սարիգյուղ	Սոդեկ	Իշխանի
	(Կլիքենդ)	
Դ. ԽՈՒՄԲ		
Ակենի	Որնակ	Բումանյանի
Ակունք	Կոխրուկաղ	Բասարգեշարի
Ակունք	Գյուղու	Բալինի
Ակունք	Բաշգյուղ	Կոտայքի

Երբ սրան հակադրում ենք Սովետական Հայաստանի աշխարհագրական բազմազանությունը, արտադրական հարստությունները, պատմական համասփյուռ հուշարձանները, մանավանդ մեր լեզվի ճոխությունն ու ճկունությունը, ապա հրամայական-անհետաձգելի պահանջ է առաջանում՝

ա) Կարելույն շափ շուտ ազատվել անհաշող անուններից, հատկապես կրկնություններից:

բ) Սովետական Հայաստանի բոլոր բնակավայրերի այժմ գործող անունները կարգավորել, իսկ մնացածների համար նախադեռ աշխարհագրական, արտադրական, պատմական, կամ այլ տվյալներով հիմնավորված կարճ ու բախճհուն անուններ, նշանաբան ընդունելով՝ մեկ անունը մեկ բնակավայրի սկզբունքը:

դ) Բնակավայրերի փոփոխված անունների նոր ցուցակը հաստատող չբենսդրական ակտի մեջ հատուկ հոգվածով սահմանել, որ հետագայում որևէ բնակավայրի անվանափոխությունը կարող է կատարվել ՀՍՍՀ Գերագույն սովետի նախագահության հաստատմամբ միայն:

НАИМЕНОВАНИЯ НАСЕЛЕННЫХ ПУНКТОВ СОВЕТСКОЙ АРМЕНИИ

Х. А. АВДАЛБЕКЯН

Р е з ю м е

В последние годы многие населенные пункты Советской Армении были переименованы. Сделано это в основном правильно. Неудачные же и часто повторяющиеся названия следует заменить новыми, исходя из географических, исторических, производственных и прочих аспектов каждого населенного пункта.